



Broj: 02-02-2-1004-2/26
Sarajevo, 27.08.2026.

N/r Direktora

PREDMET: Poziv bh. kompanijama za učešće u posjeti „Međunarodnom sajmu EuroBlech“ Hannover, Njemačka

Poštovani,

Vanjskotrgovinska/Spoljnotrgovinska komora Bosne i Hercegovine (VTK/STK BiH) Vas poziva da uzmete učešće u dvodnevnoj poslovnoj posjeti **„Međunarodnom sajmu EuroBlech“ koji će biti održan u periodu 20-23.10.2026. godine u Hanoveru, Njemačka.**

Posjeta sajmu će biti organizirana prvog i drugog dana sajma, 20. i 21 oktobra 2026. godine.

O sajmu EuroBlech

EuroBlech je vodeći svjetski sajam za tehnologije obrade lima i jedan od najznačajnijih događaja za kompanije koje se bave proizvodnjom, preradom i primjenom limova u različitim industrijama. Održava se svake dvije godine u Hannoveru, Njemačka, a organizator sajma je kompanija RX.

Sajam okuplja proizvođače, dobavljače, distributere i stručnjake iz oblasti: automobilske industrije, mašingradnje, metaloprerađivačke industrije, elektroindustrije, građevinske industrije, proizvodnje kućanskih aparata i drugih sektora koji koriste tehnologije obrade lima

Na prošlom izdanju 2024. godine, sajam je okupio više od 1.317 izlagača iz 39 zemalja svijeta koji su privukli više od 39.000 profesionalnih posjetilaca iz 114 zemalja. Više od 60% izlagača bilo je izvan Njemačke što pokazuje njegov snažan međunarodni značaj i veliki uticaj na globalno tržište metalske industrije.

EuroBlech obuhvata kompletan lanac tehnologija za obradu lima uključujući:

- Mašine za rezanje, probijanje i lasersku obradu
- Savijanje, oblikovanje i štancanje
- Zavarivanje i spajanje
- Alate i kalupe
- Automatizaciju, robotiku i digitalizaciju proizvodnje
- CAD/CAM softver i industriju 4.0
- Kontrolu kvaliteta i mjerne sisteme
- Površinsku obradu, reciklažu i održivu proizvodnju.

Više informacija o sajmu i izlagačima možete naći na web stranici sajma
<https://www.euroblech.com/en-gb.html>



Usluge VTK/STK BiH i organizatora sajma

- VTK/STK BiH će u periodu organizacije posjete pružati konstantu tehničku pomoć kompanijama učesnicama (programa posjete, dobivanja ulaznica za sajam itd)
- VTK/STK BiH će kompanijama obezbijediti i kontakte potencijalnih partnera iz Hoovers baze.
- Organizovat će se pripremni sastanak sa organizatrom sajma gdje će bh. kompanije predstaviti svoje profile u cilju pronalaska potencijalnih partnera izlagača na sajmu i organizovanja sastanaka.
- Izradiće se katalog sa profilima bh. kompanija učesnica u formi vizitke sa QR kodom , koje će biti korištene kao promotivni materijal tokom posjete.
- Tokom realizacije posjete kompanijama će biti omogućena konstantna podrška od strane organizatora (usmjeravanje kompanija, prevod itd)

Organizator posjete VTK/STK BiH će svakoj odabranoj kompaniji učesnici (najmanje pet, a najviše deset kompanija) obezbijediti novčanu donaciju od 1.500,00 KM. Kompanije od donacije imaju pravo pokriti troškove avio prevoza i/ili smještaja, ulaznice za sajam. VTK/STK BiH će sa svakom kompanijom potpisati Ugovor u kojem će biti definirana prava i obaveze organizatora i kompanija učesnica.

Kriteriji za odabir kompanija – učesnica u posjeti:

- Kompanija je proizvođač u oblasti **metaloprerađivačke, mašinske i drugih industrija koje odgovaraju profilu sajma.**
- Kompanija ima iskustvo u poslovima izvoza i upošljava barem jednu osobu koja aktivno komunicira na engleskom (njemačkom) jeziku;
- Kompanija je strateški opredijeljena za izvoz prema EU, te posjeduje adekvatan kvalitet proizvoda, te potrebne dozvole i certifikate;
- **Kompanija je aktivni član VTK/STK BiH (redovno izmiruje obaveze plaćanja članarine u skladu sa članom 22. i 23. Zakona o VTK/STK BiH „Službeni glasnik BiH“, broj 30/1 i 72/1**

Molimo Vas da, ukoliko ste zainteresirani da uzmete učešće u ovoj poslovnoj posjeti i prihvatate navedene uslove, popunite **priloženu prijavu** i dostavite je putem e-maila: aida.vidimlic@komorabih.ba **najkasnije do petka 18.09.2026. godine.**

Potpisana i ovjerena **četiri originalna primjerka Ugovora o reguliranju obaveza**, potrebno je **obavezno poslati i poštom na adresu VTK/STK BiH, Branislava Đurđeva 10; 71000 Sarajevo.**

Za više informacija o učešću u posjeti, kontakt osoba je **Aida Vidimlić** (tel.033 566 233)

Nadajući se Vašem interesu za učešćem u ovoj poslovnoj posjeti, te očekujući prijavu Vaše kompanije uz potpisan i ovjeren Ugovor, ostajem

S poštovanjem

